



梧溪集卷第六

元 蕭明 氏 寧 國 關
而 補 尚 山 學 官 陰 王
書 德 尚 樓 尚 講 陰 王

寧 溪 書 院
一 逢 閣
水

擬河清頌 有序

草野臣某某言臣本江陰鄙人也素不希仕進甘分
壟晦讀書向道以咏歌雍熙之治比鄉邑多故客遊
吳下且七年今年春三月躬聞黃河變清混合雲漢
昭融光岳青徐齊魯淮楚之閒神人驩抃魚鳥咸若
卉木品彙盡沾休澤竊惟河源自天注地中經巨表
衍不計幾萬里夏禹疏鑿功用同大厥後華夷殊域

梧溪集卷六

一知不足齋藏書

雖代見澂澈誠未足當天地嘉應我朝一海宇昆侖
蔥嶺始在化內仁洽德流垂及百年天用彰報陛下
陛下仰契俯察日夜澡滌心慮拯塗炭下民以荅我
皇祖考之祐昔漢以甘露降而紀歲唐以醴泉涌而
製銘臣謂自三代來莫此為盛陛下聖德遠邁河伯
效珍固宜作為文章聲之樂官薦之清廟特著國典
傳示無疆顧不偉歟臣恩深涵育分踰贊述謹獻江
浙省以聞頌曰

皇帝卽位三十春黃河變清月在辰乾端坤倪浩無垠

一氣混合析木津昆侖蔥嶺涵大鈞洛渭淮泗嘉應臻
風魚無蓄龍擾馴桃花不動波滄淪陽和郊椒見鳳麟
紫貝宮闕闢怪珍河伯率職海若寶天其念茲昏墊民
予以淨洗戎馬塵槎蘖沾句咸與新江南布衣草野臣
踊躍百拜頌斯陳於穆世祖堯舜仁大禹功澤歸聖神
予讀王逢氏河清頌辭達而意敷得歸美之體鮑照
不得專美於前矣故爲書之前大史知制誥鄱陽周
伯琦識

逢擬此時至正甲辰歲公則以江浙左丞遷南臺侍御

梧溪集卷六

二知不足齋叢書

史不赴遂告老中吳云逢敬書

懷先民賦

有序

烏溼世儒僅有張氏其先開封人仕高宗儀鸞司門

旣扈南渡樂是卜居後寔昌大離列苑第曰太祝曰

上舍曰進士角德翼義咸負譽望曰驥院質木饒嘗

益丕拓湖苑屬元初官魯售其第爲倉征邏司族就

衰替十有三世孫隆力田授徒幸延餘緒搜攬遺勝

疏葵薊菜於是小山平林襟帶溝池凡樹石巖磴以

植以闢積勞於躬粗有成趣至正丙申苗兵燬掠枋

齋歸存又十年隆盡歸之於余乃因其舊稍更新之
增崇浚深標奇著美遂號曰最閒園且次其所在用
載用詠之矣尤懼跡忘於漸事湮於久復名其山曰
先民一丘溝曰先民一壑立表兩閒清泚秀萃庶乎
見景慕於前修聊示崇廣於來裔也予不敏蓋有賴
先君子庫司勤公於茲土天用食報畀有其世業於
乎凡我來裔詢事考蹟以無昧於先民則吾先君子
之德其忍有忘已乎序而繫之賦曰

繫予嬰世患兮幸謝病于藩垣家轉徙而仁里是擇兮

梧溪集卷六

三節不足齋叢書

得儀鸞之故園仰有峙頰有流兮若天建而地闢矧磴
繚峰崩列兮水滂盪夫橫碧樹叢轆圍且合兮起拱把
於封殖蔬畝麥曠霄映屬兮匪一朝之人力詢肇基于
鄰叟兮曰高皇之南巡箕塊輦石畚插竝興兮冠蓋纒
如春雲追國變門祚中衰兮尚佩衿之振振何集蓼於
暮齒兮室罄懸而研塵夫締褐代服兮鼓鍾代奏誰巢
鳩有兮鳩弗善構緬維顯考兮著效茲土默相俾承兮
猶曰納杵期一日必葺兮覲三年有成懲鴆毒爲佞安
兮懷熊膽於劬經在舊喪有賻兮田祖有祭一丘一壑

兮先民用字延余薛之顯爽兮激烏黃之濁流鑿雲開
之間唳兮杜谷口之鳴騶企文學于東吳兮夢禮樂夫
西周庶景行奕葉之作者兮而忘其效贖學步之貽羞
亂曰饗有藻兮捫有蘿流浚深兮峙增峩月闔林兮露
灑翠直少微兮迴明河魚戢戢兮沫煦鶴脩脩兮影摩
山鬼卷甲木客寢柯伊予弊冠藏之層阿造化邈焉畛
域兮萬漚咸歸一波感氣類以相聚兮宜神鑣之聯過
於乎孰謂同野可哂兮而爭墩之可訶

林屋餘清洞賦

有序

梧溪集卷六

四用不足齋跋書

洞自予始而最閒園之清勝竝萃前後左右中峙直
節小峰一殆主山也下列樂石二曰泗磬曰豐鍾用
節詠歌長夏客徑造團蒲或坐移日因作是賦以見
暮志云爾

餘清伊何秀割林屋土山抱石峯轟拱豆岡負甕谷頰
菱芰仰篁木通壁門兮包洞腹雲一窩兮陰四綠冰百
步兮寒三伏夏泗磬兮豐鍾口商歌兮踞吾足蜩如知
兮移響鷗背忘兮下浴水幽黝兮涵衣日旱暎兮隱轂
夫哂使兮彈鳴陸魯望與兄兮友鹿李涉濟虎兮巖

居單豹

來猿兮嵩麓

高太素

彼或不死以尋盟兮願躬

候兮遐躅好風誰將適灑徑苔高士杖屨孤臣襟開我
巾飄飄倒影在杯顧茲盍樂鑿昔可哀交賈諂于新室
琴挑奔于蜀臺鸚鵡殺其鼓吏沈香竄夫仙才幸羊質
而蚤戰延馬齒之待摧葶悼暑王梧悲秋回瀉地苦汗
漿征塗浩歎埃席冒之翠岌然挹練江兮故園鞠爲蒿
萊兒且闕而且構兮庶往還兮優哉童蚩蚩兮劃大笑
奚嫁恥乎陶囂

言歸吟一首

梧溪集卷六

五知不足齋叢書

歲反闕兮蓬戶月微行兮藥圃兒相舂兮婦秉杼不遑
家卹兮寧疾世迕弧矢具弦兮狼角若崩雖似聞雉兮
揚安知鸞竊黑颺作兮曠黃城興有求山人兮言歸于
澄澄江

六歌有引

六歌者最閒園丁之作也丁婚娶幸畢齒髮加暮才
業不能上於人足跡則與勢途相背蓋二紀矣夫考
槃采芝世莫追擬是什也竊惟豐山鍾霜至而自鳴
歟其一禮雲曰

雲何禮兮山中高子子兮天南東或碧合兮素抱類愁
思兮從無龍獸金精兮降西極挾風伯兮走沙石鷁退
飛兮鴻無畱迹渺親舍兮獨耿耿聊致蒸乎松柏其二
懷霖曰

楚軍挾纊兮燕谷溫我姑置兮緬懷殷人殷人兮爲誰
氏感高宗兮巖穴起霖大旱兮舟大川上嶮析津兮騎
箕尾聖途壅兮賢違夷風猖兮獸隨據梧暝兮曾移時
恍三尸兮顛帝以詞乘大輅兮冠啤雲翕奕兮降下土

梧溪集卷六

六知不足齋叢書

其三賓月曰

寒霾轆兮安之陸媚狐兮川噴鱗帽高屋兮裘重披偶
賓月陽岡兮如夙之期光溢林兮爽浹豆卮石立諸生
兮後先孔儀舞雞念狂兮飯牛志睽氣夜存兮鄒孟實
師井絡東上兮河鼓向西望舒駕邁兮影流堂墀今時
何時兮斯覲匪夷其四掃葉曰

冬迫兮秋徂鳳郊麟椒兮無時樵蘇溪園數畝兮兵殘
燹餘林葉燮燮兮若天委地輸且箕且箒兮罄折老軀
勞甚曩骸兮心無其虞彼薪蠟屋誅兮貧莫我俱其五

采薺曰

山黃落兮虎現石體水歸源兮洲露鯨尾乖雷震兮喪
七馬無馮兮車無柅病謝至屢兮鬢變餘幾童孫何知
兮跪進素履諒苦節卒貞兮園采有薺其六噤和曰
寒日薄兮西枝身重壯兮無時慕伯玉兮耆化忘李廣
兮數奇維馬兮齒老前齊師兮病知道鱸脩大兮泳淵
雉華章兮伏草誰其逃兮民之先噤至和兮彈無弦白
雲抱石兮青壁劒刺天虎柔不肉視兮內養維全

夢濯足

梧溪集卷六

七知不足齋叢書

道固委蛇兮匪蹉則跌夢維濯足兮巫咸何說汝無蹂
龍兮龍不汝齧君黃二鄉山名青屬兮歸鞅其稅嗟嗟
夸父兮狂奔彌暘

畱瓢湖夏生蕭名其軒曰剌清一瓢而爲之辭

彼湖氣盈兮我瓢腹枵爰剌清兮沃我焦焦沃兮黃寧
嗟風無時兮日車搖搖賢有樂兮聖尼隱有辭兮帝堯
瓢可破兮湖不可唾鮪寒在藻兮龍也泥臥

華綏贈張司征

有序

華綏美烏涇稅副使張履謙也謙雲中人以官門秀

造再遷司征於茲首見子林谷下言溫氣粹殆有容
者既而先綏後條資夷魚蠻紛輸咨委宿負畢償常
課有贏薦紳游從尊俎談詠未始徇貴勢率儒趨焉
踰年大使呂子敬至又六閱月今副使樂平朱孟淵
實代竝謁予曰涇之稅有局歷歲一紀矣裁履謙得
書上考其母華夫人死節抑嘗託先生文垂不朽是
行也可無一言贈乎因重敬淵請且仕與學其果能
効也乃序乃詩曰

我伏維奧兮我棲維卑之子之顧兮深裾華綏踰年報

梧溪集卷六

又知不足齋叢書

政兮春生烏潯詩書行色兮金玉德音世無狹回善步
則裕裕也伊何親教有素

張節婦孫氏哀辭書黃黼成章詩後

有序

子友生黃黼嘗示所挽江黃張節婦元一詩且曰節
婦者其同郡經歷孫震卿女初震鍾愛元慧介贅張
某六閱年所有子二長鎰次鈞而寡由此益清約自
持擇師訓鎰鈞竝娶至正辛卯頴亂滋乃盡室連弟
屬舟濟江南岸未久烽迤迤尾遂遂相率次潯涉番
又泊軍山湖明年仲夏六月警荐急遷寇遇鎰被執

裝齋蕩然樂土善地舉淪陷矣元仰歎曰未亡人所
以健徙者冀保全耳子虜家破潔身以尸水府國天
亦厚焉時冢婦呂養女招妹偕應曰母姑旣命忍苟
生耶於是繼而沒者又二十三人鎡今舉秀才丞英
山黼舊職儒頴上其言足信閒爲請予樂序而辭之
非鬪靡也胥發揮也辭曰

茲辰何辰兮寇合烏兒生捐兮牛馬驅航有斷港兮坂
有覆車家喪技窮兮曾不若狗鼯女眇母兮婦向姑誓
下摻兮水仙祛治日蓋久兮奢泆亂俱風節之凜兮世
教之扶吁鬼不終餒兮天孰謂迂

梧溪集卷六

九知不足齋叢書

黃良臣哀辭

有序

辛亥春某倉儲事覺上海連黃氏子良臣良佐械送
秋曹臣謂佐曰元季凡隸於倉者猶荒雀趁熟耳今
倉禁嚴飛災況逮不翅火燎毛我本孤哀嬰保護之
傳教之迨長皆叔父賜非叔父蟲出幾何歲矣我幸
無內顧辜切第委之我爾生還葬我先輩以報叔父
於地下歿存庶均安乎遂相對慟聞者莫忍仰視比
推鞠一如所言而佐果得釋叔璟和謙昏好禮與予

善臣氣幹類燕趙產孝友蓋由天性云佐一日袁麻
來拜請曰佐伯父母蚤世伯兄又徇義死黃氏德祚
延俾舍中有一尺雛必允伯兄後先生丈人行辱過
聽焉予嘉悼久因附其言於哀臣序辭曰

大夫殃及城火遺酷吏獄具牛毛辭借死厭衆古有之
子安者何命非時驚風千林枝葉披柳車道擁山川祇
伶俜從弟莫已思斬天繼祀將弗隳我哀蔽以七字詩
朱顏鐵肝天下奇

焦德乙郎哀辭

有序

梧溪集卷六

十知不足齋叢書

焦諱白字任道本淮人遷長於吳材志不羈張氏初
辭湖學教授辟客泖海上興到作詩畫率不凡醉或
濯風弄泉曳影月下俗目之迂白自若也張亡所在
蒐儒遂變名德乙郎浮寄冗食僧舍惟久於嘉定林
原家一夕心動省母吳城爲門校察延淑其子未幾
郡曹柏至部日以還養告弗獲寔且病或諷曰若願
而髯黃金加鞞爵列侯等不猶愈帶索耶輒不荅去
殆伏枕作書二一囑嫂姪善事母一謝諸舊卒時歲
在龍壽甫五十考文炯天歷閒社稷署奉禮郎予其

兄行也哀之辭曰

德乙郎皎皎衣義不汨蠟長干泥裹骸骨以歸無從涕
揮噫

曹傅哀辭 有序

傅字幼巖宋賜金紫鄉先生碩之十五世孫也至正
乙未亂父銅陵學諭諱思順憂悸歿辟地旣兵猝臨
二妹義不受蠟胥蹈刃死傅被創絕復蘇幸姊甥竄
免共畢葬轉徙至海上丁酉秋以子薦主張林塘家
首過焉出累葉遺橐一束謂曰傅僅保此天不斬叢

梧溪集卷六

十一知不足齋叢書

桂餘澤使枿復芽而復有儒允家難庶其忘乎予荅
曰仁者必有後自是交忘年十年屬歲丁未八月適
中寒卒於乎傅孝弟篤信人也奉姊稱賢節杜母訓
甥矩作鄉社師在平居閒言動文爲又非淺露器而
壽甫踰四十子嗣縉始二歲嗣紳未晬其命耶賻以
斛米斗酒哀之辭曰

虎之斑兮雉儀參敬輿兮持衷旗深褐衣兮輦帶垂弗
利逃亂兮適丁禍奇親憤卒兮妹義死痛巨創兮氣餘
絲橐葬兮封土姊灰容兮共艱苦野晦昧兮鸛警辰沙

衡從兮鴈遵序蓬轉糴食兮及此海塢假館授徒兮粗
緝世緒不大厥鑊兮烹小鮮無悶于豆兮有蔬于蓬嬰
襁褓兮乳下甥佔畢兮膝前夢叢桂曹氏坊名兮枿發懷孤
柏父號兮蔓纏何東南游變革兮溢厭氛兮長捐於平
命由天賦道繫時尼奚悲鵬止焉樂馬失諒消搖故鄉
之先隴兮故蔥龍兮綺秀鬱孔禰交不可復得兮聊婢
嫠是弔莫之以卹爛雲兮華星愴對兮篇帙

仲倩許生柸哀辭

有序

柸字友倫爲同郡許泰和之季子予之仲倩也許氏

梧溪集卷六

士知不足齋叢書

醫承十有四葉而柸孝友睦卹之間錚錚族里尤工
詩鷓綬翟章影日林澗不幸三十卒予撫哭曰許氏
柸失一林吾家詩滅一派矣旣哀辭曰

樞英英兮朱房芰濯濯兮翠裳荀登俎兮蕙宜纒雨壤
風折兮又隕以夏霜行豐壽裔兮仲倩之傷傷之兮復
何喟悔交來兮志孔厲高扁誰兮去晉陋華佗兮死魏
已焉哉詩滅一派兮載湧子涕

租籍銘

有序

租籍一帙先庫使菜亭翁之手書也逢倉卒去乙未

亂物多散遺而此儼在沾灑伏覽尊容如對之字畫
外因憶幼侍側承言近代有王士良者本庸氓歲租
入義令種戶自量士良字由自量易致感雨蘇旱見
載鄭上舍所南錄爾小子善推是心曷事不濟逢佩
服幸老矣序而銘曰

粵昔去亂廬爨田墟手澤之存百艱身俱維存維天猶
古作則繁星寒芒蒼柏勁色秭冬麥夏平恕行槩醪載
饑漿汗力是貸偏馭下邑一石二科倍取旁斂貪涓成
河孰善爲導庶草風靡歎恨聲鱗胥樂田里孤露餘生
梧溪集卷六

三知不足齋叢書

弓箕忝承序銘籍左用飭後仍

銀星研銘

有序

研江陰許泰和氏所藏物也膚理縝潤微縹有星熒
熒然印若銀礫蓋歛石之精者周郭纖圓上下均一
而模製尤工旣以徵予銘予謂許自扈宋駕南業醫
凡十有三葉迨泰和道益彰更涉世患族姓具全遺
物竝在其守之確施之溥者歟遂爲銘銘曰

少陽委精歛孕英金礪玉琢發素芒體屋用晦泰和堂
涉世多故同壽康孫孫善藏世永昌

張氏石几銘

有序

几蓋元故參政公諱瑄園堂中物也成宗朝家沒几
爲鄰有幾六十年兵興世遷而公元孫守中文行日
脩勵几復焉予嘉歎而銘曰

趙歸璧合返珠茲几石二者殊不迭復有孫儒祖來馮
光氣敷心祇若左右隅浦維黃涇維盧尚永傳戒爾孥
章氏激懷樓杯銘

無查滓酒則激無物欲懷則激汪汪春陂維德之朋

山雲杖銘

梧溪集卷六

齒知不足齋

鮮衣怒馬彼皆子舍敝裘帶索子不我卻富貴多危貧
賤乃安將子是倚是賴尋薇藿于山閒看牛斗于雲端
庶乎免世路之難

瘞冠銘

有序

冠名製不一予中歲始冠處士冠養疴最閒園自是
或峩而瞻仰而捫俯而擷者九閱寒暑一夕戴微月
入幽貞谷將登濯風之所適露磴滑足側冠舐石以
裂因憶九寒暑閒避兵塵再今儒卿守臣致書幣以
予應詔三卒苟全且不起冀復舊業與之照影大江

挹爽君山至同朽席帽峯隴下詎非願歟冠已矣予
忍弊是卒乃會數遺老斃而藏識而銘曰

予髮根於天禮維爾先寧觚石碎不抗塵全噫以爾歟
曾不若屢屢以表以辭異夫做蓋帷新加之首心其故
思

儉德堂端研銘

維平維方遠險蓋常兮維重維厚靜乃克久兮玉韞冰
頤類養引恬兮殆惡文著雲霞絨兮時否斯貞道亨其
泰清兮

梧溪集卷六

五知不足齋發書

存心齋門銘爲郡知事海寧楊子明作

一氣肇分萬彙其芸芸乎命於兩閒最靈其惟人乎心
攝夫身其猶君乎六鑿其從而委臣乎其靜也先天地
而純乎其動也後天地而神乎疇亡其誠而離其道乎
蓋蓋返其根乎猗歟元僚其操其存乎爰闢齋居八窗
洞然其無塵乎藏脩息游儼若思之辰乎存所存其事
天乎推所推其新民乎朝斯夕斯將同歸道義之門乎

鐘銘 有片

上海靜安寺舊鐘八於官寺僧覺曇募銅至六千斤

而鳧氏治范成且有日乃介前淨土住持元淨乞極
溪老人玉逢銘之辭曰

金聲爲物鉅曰鏞深徹泉府高達穹谷傳海應流景風
頓息諸苦開羣蒙耳塵空淨心觀通六窗具圓佛性同
博哉功施垂無窮

虛龕箴 有序

韓景暘司丞子頤聞予出室成爲密木絲布帳用資
靜學因顏曰虛龕而贅箴左方

龕中虛息以予子虛中靜與俱夫舟載諸物較運八微

梧溪集卷六

六種不足齋箴書

光燭羣暗谷應萬駁虛其妙哉君躁於泊而民轉犯虛
其窒也臣急於察而吏愈貪虛其塞也父子夫婦兄弟
朋友凡憊虛者世其疚焉使一日拔地起山嶽而不爲
礙使一時直斗彌雲霧而不爲昧不隘于江海漲溢不
動于風霆震駭斯虛之大者乎嗟夫顏子實苦虛予老
未聞道臥而氣昏坐而形枯烏知易之二用行六爻位
蓋無中庸心學天人同徒將蹈畫寢聖謂何誅

三教圖贊張渥叔厚畫題於張氏味尊軒中

東魯一貫四方不二老氏得一教分道異忠恕而已竊

聞諸師厥它未遑莫既贊辭

石生贊二首

有序

幽室前列峯石二曰嶄角生玉筍生中置小褐命工
剡辭發善懲逸庶望子弟焉耳

石生嶄角重厚端確出我門地隱若一岳浩氣直養道
體有卓立雪肅然類也古學礪頑受煉璞渾聽琢誰甘
下愚視此罔覺

玉筍石生秀銳直貞抗節洪綠合和藍英伊誰偕藏嶄
角薛纓梧月睨彩竹露與清軼塵虎三嚮風鼓城用嘿

梧溪集卷六

七知不足齋叢書

絕晉永崇令名

瘦石贊在先民一王間

石有瘦璞無脛無脛健走以售速剖有瘦健守不偶致
壽吁山藪藏疾天造就爾質

直節峯贊在林屋餘清洞間

小峯直脩礫砢錯節靜壓巖洞崇餘林茂矯矯生風隱
隱豎雲受命不同我瞻則悅

鵝生鴈傳

鵝性剛慄身視鴉不能十一凡見鴉經巢所輒不絕鳴

奮焉狝傷批上擊鴉引去乃返若護林然故又名鴉舅
鳥有蠟味者子將誕巢率依鴉否則殼爲伯勞害伯勞
卽鴉鷓惡鳥今年丁巳鴉巢最閒園大柿木旣產雛一
狀鷲而小色竊古淺字 藍元白閒稍隴之則鳶也鳶克自
肉食徐遠適云或曰昔宋康王時雀生鷗不久社屋今
鴉過惡保善俾他類遂生養與雀異鳶種九出咸應天
時關人事少皞用名農正官尤非鷗儼斯寵徵乎予聞
而輟曰子涉壯強艾年未始祿升斗茲謝病且老尚奚
覲然帽峰隴畝在天其示歸田哉

梧溪集卷六

六知不足齋叢書

走菜對時聞黃巖官兵不利

漁者市虵蜺而號曰走菜怪而問焉漁者曰是蜺也俗
以走菜名逢曰菜穀之配菜熟人無僅色此名辱菜甚
漁者曰此菜名是猶晉人以魚爲菜也逢曰奚以走爲
其蚩蚩然其目炬然其足戈然其居穴視專城然水胸
草食橫行無前得無螳螂觸輪之勇乎漁者曰螳螂激
壯士有功彼雖被堅執銳不過據地則貪而肆暴遇敵
則走以幸生如是而已逢歎曰蓋色厲而內荏者歟今
食焉而避其難者亦其類耶漁者愜然笑曰子未知走

榮曾不及烏賊胸中有甲也尚敢望螳螂哉

題顧柏貞松泉卷

長松蔭寒泉離離石堪把幽人於焉隱頽仰與世冥鶴
巢雲臥時猶飲月明下悠然古根坐漪舞翠雨灑餘齡
三休眞昨夢一炊假萬有靜觀妙庶希得道者松花釀
來醇客至歡洗尊

陸貞婦趙氏 有序

趙氏爲安吉幕長澤之孫女而鄭處士陸燾之妻也
至正閒兩浙多虞燾辭海寧主塾與趙隱居松之瓢

梧溪集卷六

九知不足齋叢書

湖丁未夏四月海隅有警旣兵猝至燾偕趙倉皇赴
舟未遠同難者爭舍舟陸竄燾登岸將復攜趙以行
而兵偏之傷刃者三遂仆深淖趙竟自投於淵時有
歌之者曰四月三日兵撓湖婦女多被辱與驅殉節
伊誰天水姝燾字子臨雅交於逢逢序而詩曰

瓢居澤國奧草木潤不枯千年瀟清氣鍾毓貞趙驅貞
趙名門息良人列仙癯廿載甘蓼同一旦幽明殊覘兩
有穴螳相風有竿烏夫夫婦職焉知兵爲虞維北崇
澗山廟貌秦三姑似傳雲鶴君招要天水姝綃裳翠羽

蓋明月雙佩珠，邦侯俾從祀。庶激後世淳。

愛萱堂 有序

愛萱堂者，瓢湖夏生聶奉母吳氏之所也。聶與母弟鼎幼失怙，吳時甫三十志不再醮，撫育聶鼎及長，且延碩儒以訓淑之。至是並敦學行，崇孝養，名其居曰愛萱。前進士錢思復爲記其事。母今垂老而樂康逾

壯年，子併美之。詩曰：

故侯義種瓜，隱士義採芝。孝子知愛萱，樹對母氏帷。雪芽獻春饌，細榮拱坤儀。天人至交戾，裕然全貞頤。瓢湖

梧溪集卷六

子知不足齋叢書

清且漣，鮫館冰蠶絲。方諸淨開鏡，伯仲雙從嫠。長願寸草心，釀作蟠桃卮。嗟嗟凱風詩，棘薪定無時。

故鄉先執贛州興國縣尹葉公挽詩 有序

公諱森，字仲實，其先江陰人。凡七世止一子，故無支親。曾祖青祖，起宋潛德，弗耀考祚。蚤孤，自樹會元師。南下率西鄙數千人，逆謁禪，將陳于陳沙莊界。矢一及尺帛符里，族賴以全。公性愷敏，通蒙古字學，郡推擇爲譯史。兩轉授將仕郎，兩淮鹽使司監運綱船，不勞而集改鹽官。州判官適大侵，負海寇聚兇焰蓬。

勃公擒其魁追黨暨十八人時斗粟十石碎礎枕野
屬倉庫竝罄義激巨室發贏糧三千二百二十九石
鈔八百五十三定賑四萬七百人復以二千一百四
十五石殺直續濟二萬六千六百六十六人不足又
勸善富者米一千六十石給三千餘人省臣嘉公抃
荒有緒檄攝富陽一如治鹽官得米二千三百石療
飢氓一萬一千一百一十九調新喻判官時蒙山銀
場以官估抑民市木炭由州抵蒙路陔靡卽上白西
省蠲之旱屏僚吏齋沐以籲兩三日農以穰慶丁父

梧溪集卷六

三知不足齋叢書

艱起擢上高縣尹俗尚訐有大猾況堯挾子姓作民
害言之部使者榜諸市仍疏惡於門以幾出入豪橫
股粟邑中浮梁當要衝歲脩輒歛挹躬募義士黃氏
等共分田置莊贍費自是梁永固官無煩焉繼母吳
恭人訃聞奔還哀慕如實生已服闋陞承直郎贛州
興國縣尹比命下先道病卒時至治二年也壽五十
八葬耐黃猷山祖塋子仁廕嘉興石門巡檢累遷至
從七品樂平判官涖政綽綽有父風而優於問學樂
平子材版授蘭溪判官蘭溪子齡一日袖同進士出

身傳貴全錄事所製公墓銘過子拜有請予惟生晚
去亂甘晦以老竊嘗錄忠孝節義事數十百於鄉先
哲敢辭乃敘其槩追挽以詩曰

老馬知歸途游子久異縣鑿鑿鄉執銘芝鳳喜及見士
生遭登用如帆得風便藿叢拔巖門菜色驩海甸山丁
蠲徭役田畷慶豐羨猾懲豪股栗梁輦衆心眷訃奔繼
母喪淚沁沙彌薦吉服戒中路河嶽氣蔥蒨遂成采真
游孰謂游魂變幹蠱光後烈竊交忝遺彥大江流疎星
其波自紆練安得六七公爲擬襄陽傳

梧溪集卷六

三知不足齋叢書

題金故翰林修撰魏公狀表後

有序

公諱璠字邦彥宏之順聖人也曾祖餘慶大理評事
冤獄多平反祖子貞兗荅館酒使父德元甄官署令
公忠明剛簡奇節自負由太學生中貞祐三年詞賦
第丁內憂服闋調會州司候不赴正大初補尚書省
令史時上廣言路公首論將相非其材且不當立宣
宗德陵脫河關失守必懼凶禍權殞隆德宮便故事
省史無言事例上優詔荅焉事竟寢遂辭退辟襄信
縣令邊邑也屯兵橫虐民公按法不少貸衆擁其長

挫辱之公正色折以理莫不禡氣改儀封大建孔子
廟三月政教興以母高年老請就養京師七年倒迴
谷之役屢捷命謂中興可冀然將臣駐兵關上莫肯
席勝逐北當國者又力主投瓊孤注之說公憤然上
封事引喻符秦淝水之戰甚剴切不報京師戒嚴復
極言勢危蹙矣外鎮曾無勤王者唯隴右守帥完顏
胡斜虎可委仗宜遣人論大計如訖無人臣請行又
爲權臣所柅閱數月斜虎提軍入援上悔無及恆山
公武仙頓兵五塚山上欲趨之難其使近侍李大節
薦公召拜朝列大夫翰林修撰時國門外烽警相望
因感泣奉命比至仙已遁部曲散無幾公撫集數千
人推可帥者造符印子之自劾矯制罪以聞繼訪仙
在雷山公直踵焉或讒公奪若柄仙怒兵皆露刃外
嚮頃一吏與公辯公大聲曰將軍過信讒不加禮過
乃俾齟齬一小吏與天子使置對耶且將軍猶狐山
谷閒而左右無異心者以天子宿將故也苟不尊天
子命安保麾下不有奸名犯分者乎將軍務鼓行無
慢王命也仙揆不能屈出見公激進援卒不應聞乘

輿播遷聞道走在仙已遣人誣奏公罪上以其謾
不問天興三年載自歸德扈從幸蔡城陷北歸賢聞
達皇元庚戌歲詔徵之尋卒賜諡靖肅無子從孫初
後仕至南臺御史中丞仁宗追贈公翰林承旨初河
南參政諡忠肅其孫山東運司知事貫入避地吳松
世革後窶貧益甚而不苟祿仕閒示子家乘既爲題
九世從祖子平參政致仕誥復合渾源劉郁河東高
鳴所製靖肅狀表序之詩曰

維公發魏科戾契仕叔世疾風草彌勁錯節器乃利心

梧溪集卷六

吾知不足齋叢書

折謝元師志奔韓愈使及歸國如燬涓水莫止佛彼蒼
鑒忠赤異代豐爵諡狀表垂百載讀之凜生氣羊頭駸
桑乾貽厥漫刺字鱸江歲復晏搖搖雙蘭柁有懷置無
言抽毫竦神思

送楊生遂出贅

有序

生字士初爲芝泉先生孫又從游吾門茲出贅請別
也贈以言曰秦俗行雲間弊滋甚矣近見巨室壻某
老且有孫而家廟僅有妻祖禰神主因諱曰若承大
宗則歲時饗先將若何某頃位不能對他可知焉生

永嘉龍步世儒族幸鑒此毋蹈生拜授已徵詩曰
秋清五綵輿僕夫臨庭除。郎君美冠帶出贅南里閭。借
問何所將一笥先世書。外翁李延晚居士朴茂質新婦玉雪
如牛羊充後闈。屢稔稔環前渠。強近親復盛行矣。慎向趨
情昵移素存溫飽。喪遠圖願言于飛燕。更效反哺烏。同
室異祖祠祭告誠交孚。備取化成俗。毋煩邦大夫。

題武州守張公奉先遺稟後

有序

公諱思孝字奉先高曾祖仕金世居潼因亂徙家雲
中父林饒貲善直閭伍枉人貸錢粟比償輒論曰粟

梧溪集卷六

至知不足齋叢書

易罔陳錢散罔盜予本意也奚汝息爲或婚喪弗舉
助贖靡恡有相者曰若多陰隲當生子貴而受封公
生年十三師事燕名士史彬然繼授尚書于姚匡弼
遂博學長文辭由儒諭正遷前衛教授陞昌黎尹未
赴分省圖魯參政辟爲掾至正己亥寇關偏城公率
哨騎出剪六醜首還而圖魯遁急追止曰軍民莫不
奮志決鬪勝則功顯死亦忠也苟棄城走如責守何
夜復潛往請以族黨家僮前鋒自劾卒弗聽既他將
字羅代鎮朝廷咸推公謀辯改擢都事凡獄案覈讞

平恕明允衆號曰稗都司云轉守武州皇贈林太府
監丞尋大臣以武重地常調官難設施奏署公行刑
部員外郎兼州事於是材勇集爪牙樹法律嚴整強
暴沮伏然忌將多弗協勦而國步亦蹙矣洪武己酉
召至時宰數獎勉畱期年卒辭歸謂子亨曰此無負
吾學耳壽六十四終妻夫人華亨婦劉惟兵不辱先
公死之舅氏及繼母妹老無依養葬竝如禮育媼舊
子女孤貧者凡三人俾習善藝嫁娶焉迨所遺橐有
訓亨曰意當極快處心有平時少忍應無害欲言

梧溪集卷六

云知不足齋叢書

宓再思題二喬曰綺窗花落東風軟曾讀曹家女誠
無懷慶道中曰一眼濁黃天塹闊半眉老翠太行昏
辭歸述懷曰敢效子陵辭漢爵願同巢父樂堯年志
行槩見之矣亨并乞予紀咏期慰公於無窮乃序而

詩曰

雲中漢名郡恆山南鬱紆桑源匯金龍池名柏林巨飛

狐剛勁風氣闢文章肇崔浩世南杉杉張奉先發軔

三轉儒徽曹首食檠花縣遑治滹塔幢梢參昂公嘗雷

湫薦潢汗雷山嘗別業虎峪側棗栢聯瓜壺霜寒快雪

霽小隊短袴襦瘦馬從黃蒼逐免充燕娛塵高寇關逼
翦醜六血顛倡勇願率先遁將寢所謨朝命佐他幕蔚
破楊誠俘一時秤都司綜覈無遺銖武州遂綰綬刑部
仍分符堡列屬鼓饒齋開衛戈殳焚黃拜酌酒五色日
動臚不謂鄉困弊游罹兵掠屠家蹈白刃雙兒泣青燈
孤鴈賓羣入楚蝸蛭單違具有天戴重泉無地返故都
遺橐累百首暗夜光璧珠烈烈悼亡詠汪汪運篋圖遲
遲去國懷落落逆旅酣憂憤何當平忠義日月俱竊笑
投閣老元經與童烏

梧溪集卷六

老知不足齋叢書

史彬然者周王謀客也勸王卽位虎林詔天下然後
之京王遇鳩文宗搜邏謀者彬然聞張林重士尚義
變姓名託焉至正初如京與宰相啟有曰運籌聖帷
之內寢而不行草詔御榻之傍惜乎無用及見禮不
少讓或勸之彬然曰吾嚮侍先皇燕坐彼皆執酒炙
者耳仕祿寧不得氣節不能下也既奏擢翰林應奉
上曰此先帝遺宿宐獎大任宰相對以布衣須循階
秩彬然歎曰吾衰矣豈爲人應文字耶歸志然壽
終高唐鄉里其於經史天文術數罔不精諳言語武

州曰惜汝幼不能盡受吾學汝垂六十當見國改汝
家子若女必有以忠烈顯者至是驗云

謁浙東宣慰副使致仕任公及其子台州判官墓

有後
序

殘陽煥青苔檜夾神道古眷惟任公坐穹碑幾風雨龍
江餘衣帶駝阜猶偃釜荒寒蠓尊堙慘淡蛟徙戶舊封
四名邦包絡吳水府不有疏導跡未已昏墊苦右軍社
稷器世仰法書祖公也白公渾才游戲追顧虎台州
我姻婭晚節託元圃耐隴面北辰雷至亦宿莽愴况來

梧溪集卷六

天和不足應叢書

軒車頭顱整章甫

子遊地青龍時聞遺老言東盡艾圻浦皆葭菼茅篠
居氓十餘家日弋水禽野雉爲業公產是閒輒異羣
兒習負笈力學年十八第郡試既冠宋革命袖一刺
見游平章奇之辟宣慰掾繼省授青龍邏官俘蟠龍
寺作耗者盡釋脅從至元二十五年擢海道副千戶
以功轉正千戶會征交趾改海船上千戶是年浙西
淫潦建言河沙雁乃吳淞咽喉不先此而他濬罔效
大臣不納後果湮塞大德七年重濬平章闡里起公

督七十餘里萬畚鍤之役井然有條率八覲成宗勞
齊有差進都水監丞至大元年除同知嘉興又明年
遷中尚院判官適大都通惠河閘底鑽木汎湧流覆
舟譌傳有怪物中書檄公不兼旬繕完會通梗澀復
室泉眼鑿僵沙舟楫以達陞都水少監河決汴梁溢
八歸德府治公結籛條鳳掃實河口築隄五百餘里
以扞橫流編戶奠寧延祐三年出知崇明脩學闡教
民胥興行至治二年鹽官海激岸崩鎮江練湖淤積
竝命公治海岸以固邦賦無阻泰定改元詔賜銀幣

梧溪集卷六

元知不足齋叢書

與行省朶班左丞部六郡夫疏導吳淞二道大盈烏
泥二河事竣加江陰尹以七表聞上不聽特任都水
庸田使司副使計創石閘六築脞圍八千浚溝洫千
有奇太湖衆水東入於海四年鹽官海荐爲害公一
如制河決用再帖安以中憲大夫浙東道宣慰使司
副使致仕壽七十三卒諱霆發字子明月山其號也
所著水利書具存尤善畫其熙春天馬二圖仁宗詔
藏祕監其先本徐邳三山人考珣贈高郵知府妣夏
妻高竝贈樂安郡君子姓多致通顯曰賢明精寶太

師誠炳至正初學士揭傒斯引見上欲官之辭歸監
丞陳旅送以序曰賢佐由膺累官台州判官階從五
品遭亂遂遠引相知予久長兒掖實娶台州女歿而
自烏涇往祭就謁宜慰公墓宜慰孫璞嘗割田二頃
贍青龍鎮學中年謝軍職迫世變一褐歛盧義不去
圻上因示墓碑乃錄其槩於詩後以歸之

覽魯道原提學舊送伯顏守仁會試序

道原淳安人守仁善

竹畫

草元收子雲養生殺叔夜言從奚行違腹誹或唾罵魯

梧溪集卷六

三知不足齋叢書

公山澤姿天子策親射一丞丁喪亂累辟力辭謝影息

還棲狼臆退食柏麝茲文氣忠激玉杓迴紫華匪惟振

懦頑實是裨教化千厓天機露萬水淮海瀉鋤菜少我

匹畫竹無爾亞每過鄭同襟徑去阮獨駕春暄會飛鳥

兩雨淳安下帶蘿拂松花絮酒瀝蘭藉尚懷堆兄行繆

敬沈元舍見掖後執經燈前講王伯特立筆已矣竊喜

絹增價爲移淇澳陰茅齋挹清暇

沈元之杭土重義好客嘗解文學官薦

鴈門秋意圖爲大同郝雲表題雲表偕其弟驥久

僑京口命費松年寫此以寓鄉里之思云

代州嶺頭開北扉地形倍高風斗威張遼牙爪將名在
沙陀獨眼龍潛輝晉汾水落趙日微楚萍實大吳菰肥
雲中羽儀伯仲氏南來雨雪序不違北辰煌煌天旋機
伯仲行逐春鴻歸春鴻歸冰蛆美拓拔舞進葡萄紫人
生無如樂鄉里

柳津孤鴈圖題送烏涇黃生徽往頴上兄所

浦水渾柳條短短忍攀渾莫浣才郎衿佩青於莎將隨
孤鴻渡淮河酌之兕觥歌驪歌歌長酒深奈別何

邊至愚竹雉圖歌

有序

梧溪集卷六

三知不足齋叢書

至愚諱魯生宣城人材器超卓以南臺宣使奉臺命
西諭時嘗爲鐵厓楊提學寫此圖後至愚竟以不屈
辱死朝廷追贈南臺管句鐵厓旣序其事復徵予爲
之歌曰

南臺管句有氣節手寫竹雉心石鐵鐵厓捫其三寸舌
奉命西諭慎開說韓愈一使廷湊悅竹不撓寧寸折雉
寧死不苟活使衣無光日明滅悲風蕭梢吹駟鐵齊城
竟蹈酈生轍土花尚碧萐宏血我爲作歌旌汝烈

吳興楊節婦辭

有序

楊節婦吳年廿五有殊色至正丙午秋八月大兵將
偃城吳自揆汚辱生寧貞白死攜二子竟投茗水逾
月城破父媪見其母子竝浮若不相離咸嗟異焉天
台旭元明長老交吳之兄爲誌其事予又因旭請咏
於辭云

丞相

張士信

師昏長夜酒司徒援絕憑城守七萬兵分

諸將屯坐視霜風折蓉柳冰肌月貌忍泥滓錦棚艦佩
同歸水九原無愧先人面終身不作他鄉鬼君不見雕
戈白馬氣如雲昨者烈丈夫今日降將軍於乎楊婦吳

梧溪集卷六

三知不足齋叢書

氏何可羣

汝盜解引同張耘老薛古心倪自明三遺叟賦

有序

解本宋高皇壽成殿花餅御書遺刻尚在既破而工
人裁爲解故人某購得之數出以宴予後某以憤卒
解今見於他氏感歎不足形諸短引

汝州盜冶灰久寒壽成宸翰猶籠鸞黃金爲相號曰解
酒面網緼舊花氣我嘗酌月江動搖故人掀髯把風袂
君不見周鼎遷秦缶歇露盤傾唾壺缺嗚呼髯兮死憤
嫉口鄉之翁得珍物新朋交歡勸酬密席端淚落哀慵

贈朱生弦有序

弦字孟清上海人性孝諠前邑長九柱閩公見而器焉求於其父以爲義子及公野處寡甚而弦克敬養歿買山葬如禮復營怡愉堂母事公妻夫人三十年猶一日民有盡棄舍償逋主者妻孥皇皇無棲弦贖還里婦相煽奔悉法曉教諭得止至若鞞士趙謨廬藁教授駝整被辟發顛疾走山澤中遇弦遂脫難知予南園隘購地廣之子固卻弗之聽并用序而贈以

梧溪集卷六

三知不足齋叢書

詩噫豈溢美哉斯善善也詩曰

雲東富家多北堂移孝義毋無此郎竹萌戴土春鯉赤
橘子滿庭寒雀黃雀爲母炙魚爲鮮朝進盤孟暮杯尊
慷慨氣激燕趙閒淫媮俗悛柔濮下最閒園丁菜飽充
郎復廣園半百弓報之一字一絹直疇爲饜歌愛日中
瞿仲諒先世雲巖翁水雲自在堂卷趙松雪書馮
海粟序在烏涇張氏舊月樓題

黃茅斥連鐵菱沙青枯歲服官鹽車變遷劫灰凡幾見
白在水雲餘一家高堂歸若鏡光曉霽采倒含峰影鼻

幽濡爽氣散金罍，歷亂空明兼白鳥。
軟莎鬃石堪枕漱，偃柳爲梁謝工巧。
汪洋海度性天中，欸乃湖歌人境表。
先朝詞翰兩劾敵，三埋兵壘埋不得。
吾宗舊旣趙全璧，世所共矜神所惜。
素受繪膏傳燈苒，生齊祖本仁義之。
澤詩書承最閒園，丁病始興銅瓦口。
射煙紫凝蟻聰快，聆鈞廣奏蛇綰愧。
續龍鸞騰春風酒，孰當過汝月色灘。
聲蕩前徂破帽縱，橫繡落花潭心鮫。
殷冰絲杼相拚一月四十五日醉莫問誰賓復誰主

朱家奴阮辭

梧溪集卷六

音知不足齋叢書

淮陰三月花開，使君死作殊方鬼。
眼看骨肉不敢收，奉虜稱奴聽頤指。
經遼涉海三歲久，以蝗爲糧麥爲酒。
爨骸敲骨何足論，親見徐山墮天狗。
今年始得閒道歸，城郭良是人民非。
主家日給大倉粟，殘生猶著使君衣。
攬衣拭淚使君室，涼月蕭蕭風瑟瑟。
回頭還語玉雪孤，勿辭貧賤善保軀。
瞻屋未辨雄雌烏

大真魏國二圖周昉所畫者爲郡牧長理熙伯雍

題

有唐社稷冰山重，三白楊花同一夢。
就中玉環春思酣

錦襪兒將犀果弄兒驕蹴踏飛龍鞞直把東君遙斷送
馬嵬羅襪汚香塵杜鵑淚血啼秦鳳君不見陽臺神女
楚襄王當時元有詞臣賦

元宗末年天降孽楊家有女俱朝列夫人身被六銖衣
日惹香煙下瑤闕侍兒春閒雉尾扇紅脂半露桃花面
似言草草畫蛾眉猶及華清夜深宴君不見娥英淚染
湘江竹畫昉見遺良惡俗

唐子華知州山水

唐侯至正辛卯閒徘徊列宿郎官班是時元綱方解紐

梧溪集卷六

妾知不足齋叢書

花縣尚爾琴書閒雲嵐黃旗紫蓋氣木石牛鬼蛇神顏
宮宮樓閣密寶網翦翦蘿蕙深柴關扶藜老叟臨洞灣
琴童殊覺徒步艱何人驢背兀吟影興寄亦厭窮躋攀
君不見瀑流天半落佩環欸乃歌接漁舟蠻此中佳處
未少我鑿徑擬背盧家山嗚呼畫史五馬何時還五馬
畫史何時還

重過望亭新城二堡丙申冬張氏築

憶昔扁舟自西下二堡相望無一舍吳藩判樞翻覆兒
窄衫小弓矜騎射歸人重經但流水豆隴彎彎低復起

長途遺庶數十家三四酒旗風靡靡君不見邠公遷岐
山衛人城楚丘外患內備古所侔成同敗異嗟世偷

題徐氏脩學卷

有序

今華亭縣學故徐德卿氏義塾也會學燬於兵官遂
卽塾爲學旣德卿子彥裕上陳願廣葺之期年告成
竝誌諸石而士之才者咸爲歌頌予詩曰

曩從辟地識徐卿義塾初開儼似鬻負郭苻增田十頃
延師躬淑里諸生魯賾孔壁聞絲竹吳破蘇臺走鹿麋
令尹發揮新學紀賢郎繼述舊家聲太倉給米來庖舍

梧溪集卷六

三五知不足齋叢書

射圃揚旗拂棟蕤登降有儀推揖讓仰瞻無極歎高明
庭槐夾夏羣歛靜水荇涵春半望橫抱送自天麟五色
裏蹄已鑄兩韓檠

謹節堂

有序

謹節堂者華亭徐去奢居士爲奉母夫人宋氏而作
也初去奢在壯年負氣志部舟師隸東藩以功超遷
亞中大夫江西福建僉樞旣夫人齒邁卽棄官歸里
當是時妄躁子弟躡富梯貴恐後執肯一審慮耶迨
事至患及而蹈趙括之轍者何限若漢孝子王陽去

奢其庶幾焉去奢名彥裕字仲寬世爲素封之家又
以庶民之孝痛自勦尤可稱也詩曰

居士前爲都護侯戈舡犀甲戍東甌風連蜚海書蘋夜
日薄慈闈赤葉秋三組授來丞相幕六珈光動老人
忽興九折王陽歎絕遠長平趙括憂美筍嘉魚重鼎列
諼花奇石半簾鉤導輿復見潘安賦墊角曾如郭泰畱
堂上壽康猶事績郡中歌頌迭鳴球尚期丘嫂躬雞黍
客拜龍鸞禮竝優

寄石經歷兼柬林知府孟善時歲庚戌

梧溪集卷六

三七知不足齋叢書

謝病松江辱載臨別來兩地異微音朝盤苜蓿齋居靜
秋水芙蓉幙府深乘月文鱗飛有翼集雲黃鵠去無心
郡侯多暇風生塵幸說山人感至今

松江謝病後寄林知府時歲庚戌

十載心存祖隴田六旬病守藥爐煙南歸始遂山人願
上薦難忘府尹賢紫馬晝眠高柳日白鷗秋入大江天
戴符老去非安分浪受襄陽百萬錢

松江謝病還顧孔文暢暑慰問口號以贈

養痾涇上四逾年五畝園林十畝田白首素心無漢閣

炎風朱日似堯天已從蔣詡三開徑不望劉惔再覓船
顧或能詩頗癡絕汗流卻話雪寒錢

張光弼判樞遠過最閒園

峯開南北再塵清者舊惟存張步兵一日數程風楫順
十年雙鬢雪絲輕詩題薜荔垂猿壁夢醉蒲萄飲馬營
狡兔霜前落吾殷贈行聊激氣崢嶸

寄題鄉縣丞晉陽李景儀雪巖精舍

雪巖巖岷汾水湄借問龍去幾何時荒城莫辨產蛙窟
舊隱適鄰鳴犢祠春青木客嘯柯嶺夜黑昂精窺研池

梧溪集卷六

三九知不足齋叢書

要知仕學本一致松廳退食靜哦詩

送劉緝元綱碩果軒效楊鐵厓體

澤縮壤裸山若孩爾家碩果熟徑開金刀下動鯉魚尾
紅椒暗結梅花胎客衣風穿寒太銳酒槽雨鳴春小來
匏瓜老繫從苦葉上林全借屬英材

張判府王上海數存問併答張巡檢杜顧

酒在陶尊藥在壺田園傍舍未全蕪三時雨候古龍母

草十日春容付鼠姑杜丹別名生怪裨謀有獲老憐甯武

使偏愚貴游下問終身事有愧鄒書大丈夫

松守遣郡博士辟至府既病謝張上海招宴不赴
雲林一辱徵書下客舍三頰齋馬過千里快風當六月
中年斜日奈長病饌違松上銀鱸膾酒遠洲前白鷺波
野性自今甘放逐水禽山鹿不吾多

觀靜安鐘銘還訪王靜習兼懷賴漁莊林澹庵

湧泉澹井獨經遊鄭氏橋西舍最幽避地無因同管華
居鄰何道得羊求漫推文字登鐘舞共慶章逢謝石頭
藕大玉延誰貨得雪泥行韭屈金鉤

會別馬穎漁

梧溪集卷六

美知不足齋叢書

別業歸來千里餘秦山傾蓋喜無如青衫不污新豐酒
白髮終乘下澤車地入東南空驛騎雪消齊魯足淮魚
彼行此住情俱得尚約雞肥落木初

聶松江遣和上海具舟餼過烏涇別業召見既病
還

荒雞亂叫過鄰牆茂宰驚來坐我牀箭駛落潮千岸失
鼓懸斜日寸田方行躔卻掃羈孤地奏目除名老病鄉
試憶大儒誰第一仲舒裁是漢賢良

庚申正月四日試筆是曉庭雪盈尺

雪庭掃罷若爲懷。體力差康道氣佳。鬼有文窮延上座。
妻餘法喜共晨齋。江鶯春淺猶巢谷。野雀寒深自入淮。
挑菜燒燈連社酒。本來時命不相乖。

寄錢泰窩陳雲軒二遺叟

天轉雲東上六符。有懷無寐枕同孤。紫芝隱曲歌商皓。
烈火殘經補漢儒。私地春先梅老發。盛陰雷疾草狂蘇。
祖生遲且疎。殊甚不計中流少一壺。

伏龍山然唯庵建塔松隱藏。所書華嚴經。因以先
妣李氏瑪瑙素珠附焉。并寄是詩。然長千巖高弟

梧溪集卷六

罕知不足齋叢書

也

風卷重茅葺。未能報先崇。塔壯神僧一。鼇峯湧大圓。鏡
萬象。天周無盡燈。負石鬼來雲。似漆散花仙。至月如冰
吾親手。澤同悠久喜。附龍函。最上乘。

寄崇明秦文仲

渺渺三洲東。一隅葺茅先。隴混耕夫道。存醴酒曾賓。楚
國破。干將不去吳。白苧袍成雛。養鶴水晶瓜。熟膾行鱸
相望暮。景須陶寫。可信歌游老伴無。

懷昆山顧瑛玉山嘗棄官與家隱同里僧寺

吳門長嘯下青龍道過能詩禿髮翁九里水雲孤櫂泊
半樓霜月兩尊同黃金浮世官俱棄白石眠雲草自豐
俯仰舊游惟病在海濱倚釣幾秋風

題張後山西堂

君子堂開枕九山翠屏玉案白雲閒柳行接隴鶯聲迴
樓影涵波鶴思閒伯仲賡歌皆耄耋里閭懷德半痾瘵
重過話及張公藝亦欲凌虛駕上攀

喜顏守仁教授留園館信宿

前朝進士過林扃信宿論心爲竦聽雲氣夜蟠雄劍紫
梧溪集卷六

聖知不足齋叢書

天光寒入舊甌青不同嘉樹生南國猶夢鯢魚化北溟
老我歸田有龍具僅堪供臥讀牛經

辛酉立春日溪園試筆寄錢艾衲張雲莊二叟

雨雪相仍歲又徂短衣楚製老東吳寶山偏聚刑餘鬼
空谷先逃行獨儒海霽卿雲升日角岸寒髡枿長冰鬚
爲書春帖嘗春酒早覺蘭風拂壽觚

溪園秋燕又春鴻漸老形骸土梗同邊卹梟雄奔在野
敢聞隸乳集生風梅花占閣孤高雪荻筍穿坻短小紅
抱膝微吟忽成調一雙瓢影順流東

寄張戶部以忠就問死節丁敬可平章子伯堅消
息丁嘗爲主事張其吏也伯堅又嘗從子游於金
陵

侍郎南下喜尋盟有子能官養復榮淞泖雪鱸來曉棧
伊涼金鴈歇寒箏職方圖版勞賢久神武冠纓入畫清
聞道舊趨丁相幕巨源於紹不無情

題朱松石左轄歸來堂

舊時山色抱新堂西望遙伸燕賀章金甲樓船爭破浪
角巾藜杖獨還鄉鶴孫影跨松間石鶯友聲過柳外牆
梧溪集卷六

望知不足齋叢書

盡屏陶朱老心事黑甜清灑到羲皇

同誼書記遊查山畱題淨無染西南林壑

地湧叢林小翠屏海吞孤障半螺青巖扉老衲忘人我
石罨神丹護甲丁吳甸土寒黃耳魄秦山草厭白蛇腥
放歌適在風埃表幢節浮空若下聽

寄澆蘭江長老時其徒勝文海主東禪乃蝦子道
場

菰採三江同謝徵詩狂禪喝罷憑陵乾坤影合中條壙
日月輝交丈室燈遺世久忘形似木扣雲曾得話如藤

願言流水師今是萬翼神蝦再上升

趙破螺徵士過園館言近況飲之以酒壯之以詩
牧羝山澤避徵書還守駝墩小墓廬乘角履穿猶說劔
一錢囊剩不思魚潢汗毛薦寒逾肅織誦聲連夜不虛
況復永嘉天派在左懸朱轂相王車

同錢思復提學曹新民教授過松庠儒職沈蕊軒
沈郎儉謹居松郭新築蕊軒小似蝸天厚水雲千畝利
世輕鐘鼎五侯家執邊況是清脩職登饌真便老鈍牙
十載澹交方爾過萱長如帶杏初花

梧溪集卷六

聖知不足齋叢書

辛酉雜題

斗酒豚肩鼈紫裙過家無日淚橫紛兵餘姊妹皆黃土
天晚江山自碧雲陸喜在吳嘉隱德隨何遭漢擅名文
先人遺體猶清健會倚陰陰里社枌

遺經姑置楚包茅新筆恭書蠹上爻利盡島溟珠象郡

道湮周魯鳳麟郊看雲

杖名

暮影齊巾角滴露酒名春聲落

枕凹自判優游不堪事鵲鴉添室翠分巢

槿籬沙徑入林堂春作無牽午漏長音歇野鶯新綠淺
影浮潭鰾小紅香誰家數應中和節十畝寒輕二月霜

忍貫緇袍償酒債時人將謂獨醒狂

寄完哲清卿參政

六月青暘一葉秋大參躬自出遮留軍中取印舊赤手
林下墊巾新白頭闔郡山圍朝爽競幾人漏盡夜行休
宴游莫聽堂堂曲蠲紫橙香風露秋

書西廈時洪武丙寅沿海築城

牀頭鴟臥久空金壁上蝸行尚有琴孺子成名狂阮籍
霸才無主老陳琳虹霓氣貫登萊市蝙蝠羣飛顧陸林
環海煙沙翻萬雷連村霜月抱孤衾

梧溪

吳知不足齋叢書

秋詞

香散天街靜玉珂露臺風殿夜如何星從河漢澹中落
秋在梧桐疎處多鸞影不曾離寶鑑蛛絲先已綴金梭
君王蠶館詢遺事卻擬鑿車共載過

沙館簡陳氏五昆季兼示門生履道輩及似沙彥
約沈鄉老鄉人陳漢翁時至正己丑

家家門柳暗垂橋曲曲沙村遠應潮貧女採藍輸書屋
閒僧槌鼓慶青苗大江春豚魚起絕島天荒牡雉驕
地主幸敦仁厚俗欲從嫺睦論虞姚

聞臺中丞陳子山死節兼懷陳東流

身繫存亡社稷秋世皇神主義同流火雲鑠海黃金冶
朔野垂星赤玉旒同產忍聞龍死蜀斯文真歎鳳衰周
尚思弭權君山渡不及相陪宴太上東流嘗請子陪
宴公不果赴

書無題後凡三首偶感燕太子丹事

火流南斗紫垣虛芳草王孫思愴如淮潦浸天魚有帛
塞庭連雪鴈無書不同趙朔藏文祿終異秦嬰袒素車
漆女中心漫於邑杞民西望幾踟躕

塞空霜木抱狼雌草暗江南罷射麇秦地舊歸燕質子

梧溪集卷六

聖知不足齋叢書

瀛封曾界宋孤兒愁邊返照窺牆榻夢裏驚塵喪鞞
莫識白翎終曲語蛟龍雲雨發無時

幾年薪膽泣孤嬰一夕南風馬角生似見流星離斗分
謬傳靈武直咸京九苞雛鳳冲霄翼三匝慈烏落月情
縱少當時趙雲將臥龍終始漢臣名

懷馬文郁御史靳惟正同知兼簡陸公敘薛孟式

山茶雪蘂渥丹脣轉老東風倚杖身彗尾封狐營窟夜
朝行高鴈海天春磬襄發武知何往瘦島寒郊不去貧
竊喜孤輝上弦月一杯聊勸若爲親

寄完哲清卿參政其墳某近卒

大參久別況如何萼綠花開鴈又過賣剝買牛時可得
據鞍上馬老無多魚隨春信登先豆鷺匿寒形在舊羅
孰料周郎美甥館一牀鴛繡拆孀娥

懷故園時寓隱烏涇十有七年

薇花空復故園情梧樹猶標里舍名山抱墓田巡獸白
天流江浦去鷗清餅疊滿載憐洪嶠弩矢前驅隘馬卿
他日苟歸何藉口一門無恙讀書聲

謁陳烈士廟墓

有後序

梧溪集卷六

吳知不足齋叢書

夙負聰明號聖童野狐西闕白于虹颺言佳室青烏子
效順長江赤鯁公香梭山朝雲決鬱翠茵沙枕樹蘿恩
謏夫釋耒談遺事餉吏連艘酌快風祀典寵輝荒寂表
靈休昭降混茫中蘋繁爲寓維桑敬生氣英英月在空

子謝病自上海還省江陰先隴道謁夏港陳烈士諱

忠廟墓因憶幼侍大母徐氏傷嘗聞說烈士產杭宋

末神采煥異騎貫當盛暑供送壺飧於力田者隔溝

潦輒騰擲畀之若有神助壺未始傾覆及叩妖祥類

多中由是闔境稱爲聖童迨笠墩寺黨帝靖守將莫

知禦備乃問諸烈士首對曰化機不可泄旣不獲辭
復曰某日其必闕城廂校率兵如期以待亭午浸懈
散而寇果至縱焚掠去守將蔑以藉口竟誣烈士殺
之時白氣上千頃而雨父老謂天雪涕云姊夫俞善
善曰烈士葬後有陰陽者流相墓位向當出土祇與
侯封等其先蓋業漁同漁者網得一金赤鯉殊長大
鬣尾奮掉目瞠然光芒其先驚悟放之江是夕夢神
孺告曰吾龍王第四子也誤麗之網賴公活焉公之
孫姓將必陰祐於民社於洋溟者今烈士感通猶影

梧溪集卷六

聖知不足齋叢書

響而北南餉舶安輸逾百稔田更塵氓及四方販丁
庸夫爭相奉香幣致牲醴顛穰恐少怠夢誠應耶夫
幽明二支一本也烈士誕鍾炳靈生髮甫燥遽不幸
死非罪而英爽凜卓弭災捍患且久茲膺襲命自天
廟食世世視彼烽塵閒起萑澤魚肉鄉子弟妻女者
不翅數十愆汗於九泉也已子忝生同里懼泯遺跡
於清暑假謹繕錄前後所聞於詩左庶俟來者于寶
氏參考焉善善名思齊子梧溪王逢

積雨後同野橋小眺橋子所名僧善應造者

一雨柴門三日泥疎疎煙起野橋西晚扶斑竹聽歸鳥
曉把青銅見伏犀中外瘡痍需藥石尋常冠帶夢雲霓
多情紅素芙蓉影靜臥秋光不過溪

重過曹樞掾別業兼唁其子克莊

憶同司業過瓜溪爾汝鄉音話舊棲老志入雲相抱擯
惡聲連雨獨聞雞角弓嘉樹嗟猶在絮酒生芻忍自攜
竊頌佳兒肯堂構柴門月色曹舊齊名未曾題

甲子歲初度重陽范道士來祝香就書以遺之

甲子重經初度翁一家雞犬在雲中柳眠淡曉陂塘月

梧溪集卷六

吳知不足齋叢書

花信輕寒里社風顧影乾坤聊自壽與時消長有誰同
天人似格劬勞念雙炬光交酒面紅

桃浦王叔閏省兄仲祥往成都還賦此書二紙一

以美其義一以寄其兄兼簡蘇天錫歸子良二友

綠書軒開卜夜筵再歌棠棣育令篇險經澁滙瞿塘石
心戴烏鬢白帝天先世隴田欣具在故鄉親舊念同遷
百花水煖龍魚躍取次三槎候綵船

安初心禪房會任伯禱就題所畫馬卷

畫承都水山月擅高名禪壁篝燈話半生醉裏野狐窺火

宅筆端天馬降房精情親况有詩書好老大俱無寵辱
驚憶寓龍江未春歌桃陰連苑珮珂鳴

沈茂碩葉仁伯范叔中同登超果寺祥磨榭郁綱
所建一覽閣畱題楣間

旃檀香閣煥璇題緇褐俱闕望弗迷九翠遠兼風露入
五井橫帶海雲低梵天靈鷲音西下古井神鰻氣上躋
非幻雜言且援筆白花紫竹其後山巖名儼巖棲

過沈檜居炙艾

風溼相仍衰謝牽小樓肱曲艾吹煙盤疏喜進先生飯

梧溪集卷六

此別不足為跋書

甕酒羞為吏部眠泥巷蠅歡梅子雨雲衢虹飲橋陰泉
華陀弗祝曹瞞疾何愧龐公采藥仙

題柳埕時主僧賢如愚不在夏生翦從遊

何年宰堵聳竒觀勢若蛟龍上糾盤秦縣柳先是秦褚

衣淪鬼國梵家寶藏壓鶩湍野瞻雨黑重燈夜天臥空

青一鏡寒欲買扁舟占漁戶老緣無力候衡官

謁梁黃門侍郎顧公諱野王祠

世仰希馮一偉才亭林猶歸讀書臺呼鷹日落荊州歎
遊鹿春深茂苑哀輿地河山曾版入招提風氣再天開

鍾聲簷月香雲裏旌騎疑從野色來

贈嘉定楊一溪道士

有序

丁未三月晦松之上海大姓錢以憤變據松城其黨
入嘉定執新守張率在龍江道中道士楊仁實素負
氣誼募食草屢毅然奔救得止既錢敗邑以率在民
不知兵而士儒咸德楊形諸傳贊予與楊又交好爲
之詩云

膠城外史七尺身力全新守出兵塵救燕會聞齊義士
叛周自是殷頑民三江月黯血波夜千室煙回陰谷春

梧溪集卷六

至知不足齋叢書

試問元都看花客幾多芳草不歸人

題宋侍郎衛膚敏諫議臺後

有序

臺中乞襲顯死節劄二韓雄巡檢涇州金虜犯順守

將請降雄乃力戰敗擒不屈死霍安國守懷州列城

皆破懷賴安國以全虜衆再至城小不能禦遂自刎

家亦被害林良器戰死河東陳惇河北遇殺李振陷

沒於燕王雲聶昌陳過庭出使或殺或畱汴陷左右

班直蔣宣李福欲率禁旅衛駕突圍以遁閤門祇候

吳格謀與衛士斬闢出劫兩宮於虜營竝機洩殺之

他若二聖可還之策東南戰守之疏辭義忠激猶霜
嚴日皎至如卓節偉蹟見諸汪藻誌噫後昆尚思光
大所先乎哉詩曰

奉使旃除建節旄歸來獻納殿螭坳東南戰守材誰備
河岳英靈夢或交城下盟渝龍御失日西戈寢虎皮包
斯文三復精忠在謾謾松風過鳳匏

寄內兄李彥梁姊夫俞仲延三長者

小山大石網船春江鱗河鮑柳貫新去亂漫贏千首作
思歸惟有兩人親梨花酒灑清明淚麟趾金銷第幾塵
割臙啖孫經訓子白頭相夢到朱陳

梧溪集卷六

聖知不足齋叢書

春雪園館偶題

菜蕪春盤春又還挪揄何物老相攀冰生前筋瓊林桮
雲覆長衾石壁山魴信徒勞餘赤尾豹能真隱備圓斑
雪消十二街頭徧靜得袁安高臥閒

擊跛中雜興二首後承林準叔平枉問

經時蘿磴絕攀躋注月傷懷夕照西古道千金求駿骨
世情壺酒賽豚蹄黃沙白水光相亂青壁丹崖秀宛齊
果熟望中風自落固應鄉幼返扶藜

風物疎清塵事稠才難殊歎古時流草元不效龍蛇日
慘鼓空催雀鼠秋病有過家期已晚官無搶地拜應休
星軺度驛嵐州使

謂林

喜說儒衣仗節遊

甲子冬偶書

雲東亂定少新知江左書來有跛兒才盡罷爲文自祭
醒狂寧要甬相隨天家青女催衣急漏水金人上箭遲
卻喜故妻原上樹十年羈羽託深枝

題劉原正涉難錄

有序

己酉四月松江里長以今年沒官秋糧坐移易罪

梧溪集卷六

至知不足齋叢書

者百九十二戶徙穎上予友生劉冠時在從中凡遇

道途之艱山川之險與夫先代遺跡輒形吟咏得若

千首題曰涉難錄及事白釋還也謁示予寓隱其雷

關山埃云關山高兮磅礴上靡極巖千壑萬天咫尺

朝嵐夕霏轆陰絕磴聲牙石攢戟嶺半塔邊忠武

伯顏丞相

泉不盈不縮通海脈仰頭試望榴棘中羊

坡鳥道嶠且窄傍有饑饉屍前有猛虎跡上嶺如上

青天難下嶺如下萬丈澤昔聞劒閣險若此我母胡

爲此行役母兮母兮回顧兒欲語復咽愁雙眉兒兮

從

兒兮母手攜欲止卻下展轉悲撫心飲恨言向誰
雞
大樹萬一東風吹才行槩可見矣爲題八句

百室餘千口遷淮共慘悽關山中道惡母子萬行啼月
黑相鄰虎天青忽聽雞哀成涉難錄田里慶安棲

木
寄信道原長老

舊隱過餅錫相違已十年慚非習四海爲友釋彌天鷲
嶺巖花白鷺池水石圓何當地密邇蕭灑論詩禪

遊查山登僧雲巖閣扁曰虛翠畱詩閣中

仙跡遺丹穴僧坊倚石林中宵龍甲雨三日虎蹄涔青

梧溪集卷六

至知不足齋叢書

薜厓容立黃茅海色侵爲尋霞上句鐵杖落清音

芮庠卿邀費孟霏同知陪酌背郭堂旣同晚步口

號

罷酒出前楹霜寒著面輕林腰煙帛束天角火鋒生臥
木橋通野疎簷水隔城寬袍曳巾竹俱老愧宵征

輓范德原

有後序

鸚薦書長卻臯比坐始專春風來學地寒雨送喪天范
式車何往黔康被不偏樓居敞晴雪憶說賀翁賢

德原諱致大崇德人脩行博學主無錫鉅家會淮張

入吳辟儒教授不起既陪臣於張者禮置焉德原曰
道固在耳至則矜誦雲翁雨應不幸以疾卒賀丞相
惟一嘗延慶元余紹芳訓其子子不受教朴誤著其
面微血子奔愬太夫人怒適賀公退來省夫人曰而
訕爾守建馬上功無膚髮挫撓今吾孫奚過師撻之
甚耶賀侍久出命蒸羔具禮宴紹芳至執醖再備金
繡雙段徐謂曰豚犬愚下姑荅鞭策勞耳紹芳繼有
薦除臨海翁仁德元由第進士錄事溫州妻早歿二
子知承家有汴宋趙宗室必欲以女配仁力辭媒因

梧溪集卷六

吾知不足齋叢書

告方氏師昏之濫乃佯諾處之別室半載方氏定卒
歸之嗚呼德原已矣當時客樓霽雪西望九龍山清
寒灑面而席上所言猶在耳也予併錄詩後俾叔世
曉賢者禮義所自出二公其賢矣乎

庚申七月一首時謝病松江

金火蒼龍角門庭野雀羅衰年歌鹿遠清枕夢魚多鄰
有通財好官曾勸駕過尚平償債畢晞髮石林阿

過翟雲莊觀唐功臣杜正倫下凡五十三人圖像
風氣開龍馬天機貌鳳麟衣冠中古制經緯一朝臣河

水移源久雲莊鹽露新相觀背搖落益自重遺身

寄題胡安州鼎文萬山草堂

孤州西蜀角一室萬山分地雜刀耕戶天垂井絡文獸
蹄交雨雪籠氣變朝暉倅駕何爲政峨眉秀不羣

哭楊生士中

門友南遷歿初聞實慟予有天知孝友無日見握趨壘
護懷春燕巢安怨夜烏埋光在別業吟思滿煙蕪

文翬洲倡詠

有序

予自至正丙午僑隱最閒園館時黃浦中洲生僅尋

梧溪集卷六

爭知不足齋叢書

丈許今已延廣三十餘畝歲賦官入諺曰浦夾輔洲
如岡如上實安袞袞流洪武癸亥始攜里叟門生共
登臨焉適羣雉翬映鷗左右衆請名是洲因名文翬
而倡詩曰

盧溼初避地黃浦漸生洲里諺歸材傑天工障濁流望
疑堅壁守醉覺小山浮仙躡金鼇背神迴白馬頭根盤
連厚軸形勢壯退陬漁倚盲風釣商藏疾雨舟篠鞭伸
玉節荻筍屈紅鉤煙火鮫人市雲霞蜃瑁樓沙津魚鼓
急水柵蠓燈幽艮震方先曙吳淞木始秋老懷龐德隴

隱覓訥鯤丘僮御爭先導吾儕試一遊
磨歌清氣合樂志古人侔可信
文翬雉能盟懶性鷗

省先隴還舟望九龍山蛟山遊鯉山懷江城親舊
兼寄示內姪季用外甥俞堇二首

兵甲氣全消心旌北向搖鯉昂雲際額蛟斷草閒腰習
隱由中歲辭徵涉兩朝莫期歸衣錦曾鄙去題橋
秀挹九龍山還鄉未是還水風秋意爽霞日曙光殷隴
畝諸甥託詩名內姪攀城中盛親故天與幾多閒

題朱庭佐聽竹軒

梧溪集卷六

姜知不足齋叢書

開軒能聽竹古意未蕭蕭先代多充耳
伶倫得奏韶寒兼雲嶠雪秋殷海門潮
過客詩凡幾天光酒面搖

哭夏生幼文

秀質三花粲才華五鳳能星娥銀漢會
天帝玉樓徵衣靜庭闈綵窗虛
雨雪燈重過槁容客猶覺暎壺冰

乙丑秋書

腰痛非千米賒昏漸廢書靜知天運密
老與埃程疎綠吉黃甘外紅鮮白
小初兒歸共貧樂容易歲云除

丙寅清明日書二首

清明二月晦重潔祭餘觴
兮舍火新活兩孫衣漸長
膝前簾幕雨夢裏隴園霜
何意辛夷發花叢紫筆房

破屋遶王田人生狎狗鞭
知章歸入道元亮醉逃禪
水蔓縈風亂山花影日圓
黃龍浦東直堪隱載家船

園館雜書四首

竹樹藏山石作門魚缸水帶洗花痕
鶯聲又在雞聲外老不勝官只住村
石拂蒼雲坐若枯強名何物靜相
於熏風似識閒邊事椒葉芹花水一盂
青春白日去無還天假溪園小有山林
下軟莎遮坐石何人來對片

梧溪集卷六

至知不足齋叢書

時間殊鄉春色不曾濃
才力新兼病思慵二枕清風
聞格磔半餅香雪酒浸菘菘

輓高僧炬照菴

有後序

石壁雲無礙曇花水絕清
莫爲房瑄粉四萬可嚙生

予自龍江挈舟遊湖山時照主香林嘗延入懺室躬
喚鶴舞作香茗供陪觀蘇文忠題名且示學士黃文
獻文一什畱繼其宿山故事不果瀕別贈照二首云
學士愛山棲一年韓衣蘇帶迴同緣書臺未築老僧
在金粟滿林香大千路入飛來急雨晴水懸風磴助

秋聲人家大樹都黃落白足山人自在行
遂還松會不踰月鄰敵大至照碧瞳
長眉燴霞標表義然獨不去兵有樂
爲役爨汲者香林旣晏然照乃往脩北
寶塔善行益彰壬子歲赴今高僧選居
無何沐而趺坐卒文獻字潛卿與照爲
方外交及黃歿擬築黃公讀書臺傳不
壞云

梧溪集卷第六

梧溪集卷第六

美知不足齋叢書

戊午八月廿六日校

